

# Neki načini dokazivanja identiteta s Fibonaccijevim brojevima

Džana Drino, Merima Murica<sup>1</sup>

U ovom radu ćemo dati nekoliko uobičajenih načina dokazivanja identiteta s Fibonaccijevim brojevima (korištenjem principa matematičke indukcije, rekurzivne relacije, Cauchy-Binetove formule, teleskopiranjem), te nekoliko primjera kombinatornih dokaza, koji se odnose na popločavanje ploče dominama i kvadratima.

## Uvod

Fibonaccijev niz rekurzivno se definira sa:  $F_1 = F_2 = 1$ ,  $F_n = F_{n-1} + F_{n-2}$  za  $n > 2$ . Svaki član u nizu je jednak zbroju prethodna dva člana, a iz rekurzivne relacije za  $F_2$  dobivamo vrijednost za  $F_0$ :  $F_0 = F_2 - F_1 = 1 - 1 = 0$ .

Osim rekurzivno, Fibonaccijevi brojevi mogu se eksplicitno izraziti pomoću Cauchy-Binetove formule [2, str. 15]:

$$F_n = \frac{1}{\sqrt{5}}(\alpha^n - \beta^n)$$

gdje su  $\alpha = \frac{1 + \sqrt{5}}{2}$  i  $\beta = \frac{1 - \sqrt{5}}{2}$  rješenja jednadžbe  $x^2 - x - 1 = 0$ . Primijetimo da vrijedi:  $\alpha - \beta = \sqrt{5}$ ,  $\alpha \cdot \beta = -1$  (ove činjenice će nam trebati u dokazima identiteta).

## Identiteti

Do sada je otkriven veliki broj identiteta koji vrijede za Fibonaccijeve brojeve. Ovdje dajemo nekoliko načina njihovog dokazivanja. Sljedeća dva identiteta [2, str. 13, 22] ćemo dokazati primjenom Cauchy-Binetove formule i teleskopiranjem.

**Identitet 1.** Za svako  $n \in \mathbb{N}$  vrijedi

$$\sum_{k=0}^n \binom{n}{k} 2^k F_k = F_{3n}.$$

*Dokaz.* Uvrštavanjem vrijednosti  $F_n$  iz Cauchy-Binetove formule i primjenom binomnog teorema, lijeva strana jednakosti postaje:

$$\begin{aligned} \sum_{k=0}^n \binom{n}{k} 2^k F_k &= \sum_{k=0}^n \binom{n}{k} 2^k \cdot \frac{\alpha^k - \beta^k}{\sqrt{5}} = \frac{1}{\sqrt{5}} \left( \sum_{k=0}^n \binom{n}{k} 2^k \alpha^k - \sum_{k=0}^n \binom{n}{k} 2^k \beta^k \right) \\ &= \frac{1}{\sqrt{5}} ((1 + 2\alpha)^n - (1 + 2\beta)^n) \end{aligned}$$

<sup>1</sup> Studentice Odsjeka za matematiku Prirodno-matematičkog fakulteta u Sarajevu.

Kako vrijedi:  $\alpha^2 = 1 + \alpha$ ,  $1 + 2\alpha = \alpha^3$ ,  $1 + 2\beta = \beta^3$ , slijedi:

$$\sum_{k=0}^n \binom{n}{k} 2^k F_k = \frac{1}{\sqrt{5}} (\alpha^{3n} - \beta^{3n}) = F_{3n}.$$

**Identitet 2.** Za svaki  $n \in \mathbb{N}$  imamo

$$\sum_{k=0}^n \frac{1}{F_{2^k}} = 3 - \frac{F_{2^n-1}}{F_{2^n}}.$$

*Dokaz.* Da bismo izračunali sumu na lijevoj strani, prvo ćemo dokazati tvrdnju:

Za paran prirodan broj  $m$  vrijedi:

$$\frac{1}{F_{2m}} = \frac{F_{m-1}}{F_m} - \frac{F_{2m-1}}{F_{2m}}.$$

*Dokaz tvrdnje.*

$$\frac{1}{F_{2m}} = \frac{F_{m-1}}{F_m} - \frac{F_{2m-1}}{F_{2m}} \iff F_m = F_{m-1}F_{2m} - F_mF_{2m-1}.$$

Korištenjem Cauchy-Binetove formule i činjenica  $\alpha - \beta = \sqrt{5}$ ,  $\alpha\beta = -1$ , imamo:

$$\begin{aligned} F_{m-1}F_{2m} - F_mF_{2m-1} &= \frac{1}{5} ((\alpha^{m-1} - \beta^{m-1})(\alpha^{2m} - \beta^{2m}) - (\alpha^m - \beta^m)(\alpha^{2m-1} - \beta^{2m-1})) \\ &= \frac{1}{5} (\alpha^{m-1}\beta^{2m-1}(\alpha - \beta) - \beta^{m-1}\alpha^{2m-1}(\alpha - \beta)) \\ &= \frac{1}{\sqrt{5}} (\alpha^{m-1}\beta^{2m-1} - \beta^{m-1}\alpha^{2m-1}) \\ &= \frac{1}{\sqrt{5}} \alpha^{m-1}\beta^{m-1}(\beta^m - \alpha^m) = -F_m(\alpha\beta)^{m-1} = F_m. \end{aligned}$$

Time je pomoćna tvrdnja dokazana. Sada je jednostavno izračunati traženu sumu korištenjem ove tvrdnje i teleskopiranjem:

$$\begin{aligned} \sum_{k=0}^n \frac{1}{F_{2^k}} &= \frac{1}{F_1} + \frac{1}{F_2} + \left( \frac{F_1}{F_2} - \frac{F_3}{F_4} \right) + \dots + \left( \frac{F_{2^{n-2}-1}}{F_{2^{n-2}}} - \frac{F_{2^{n-1}-1}}{F_{2^{n-1}}} \right) + \left( \frac{F_{2^{n-1}-1}}{F_{2^{n-1}}} - \frac{F_{2^n-1}}{F_{2^n}} \right) \\ &= \frac{1}{F_1} + \frac{1}{F_2} + \frac{F_1}{F_2} - \frac{F_{2^n-1}}{F_{2^n}} = 3 - \frac{F_{2^n-1}}{F_{2^n}}. \end{aligned}$$

*Napomena.* Kad  $n \rightarrow \infty$  dobivamo:

$$\sum_{k=0}^{\infty} \frac{1}{F_{2^k}} = \lim_{n \rightarrow \infty} \sum_{k=0}^n \frac{1}{F_{2^k}} = 3 - \lim_{n \rightarrow \infty} \frac{F_{2^n-1}}{F_{2^n}} = 3 - (-\beta) = 3 + \beta.$$

Sada ćemo dati i jedan primjer dokazivanja matematičkom indukcijom:

**Identitet 3.** Za  $n \in \mathbb{N} \cup \{0\}$  vrijedi

$$\sum_{i=0}^{\lfloor \frac{n}{2} \rfloor} \binom{n-i}{i} = F_{n+1}.$$

*Dokaz.* U dokazu ćemo koristiti jaku formu principa matematičke indukcije:

i) Za  $n = 0$  i  $n = 1$  tvrdnja vrijedi jer je  $F_1 = 1 = \binom{0}{0}$  i  $F_2 = 1 = \binom{1}{0}$ .

ii) Pretpostavimo da tvrdnja vrijedi za sve brojeve  $k \leq n$ ,  $n \in \mathbb{N} \cup \{0\}$ :

$$\sum_{i=0}^{\lfloor \frac{k}{2} \rfloor} \binom{k-i}{i} = F_{k+1}, \quad k \leq n.$$

iii) Dokažimo da vrijedi i za  $n+1$ . Na osnovu Pascalovog identiteta za binomne koeficijente [3, str. 152] imamo:

$$\sum_{i=0}^{\lfloor \frac{n+1}{2} \rfloor} \binom{n+1-i}{i} = \sum_{i=0}^{\lfloor \frac{n+1}{2} \rfloor} \binom{n-i}{i-1} + \sum_{i=0}^{\lfloor \frac{n+1}{2} \rfloor} \binom{n-i}{i}.$$

Pretpostavimo da je  $n$  paran. Tada je  $\lfloor \frac{n+1}{2} \rfloor = \lfloor \frac{n}{2} \rfloor = \frac{n}{2}$  i  $\lfloor \frac{n}{2} \rfloor - 1 = \lfloor \frac{n-1}{2} \rfloor$ , pa je

$$\begin{aligned} \sum_{i=0}^{\lfloor \frac{n+1}{2} \rfloor} \binom{n+1-i}{i} &= \sum_{i=0}^{\frac{n}{2}} \binom{n-i}{i-1} + \sum_{i=0}^{\frac{n}{2}} \binom{n-i}{i} \\ &= \sum_{j=0}^{\frac{n}{2}-1} \binom{n-(j+1)}{j} + \sum_{i=0}^{\frac{n}{2}} \binom{n-i}{i} \\ &= \sum_{j=0}^{\lfloor \frac{n-1}{2} \rfloor} \binom{(n-1)-j}{j} + \sum_{i=0}^{\lfloor \frac{n}{2} \rfloor} \binom{n-i}{i} \end{aligned}$$

(sada primjenjujemo induktivnu pretpostavku)

$$= F_n + F_{n+1} = F_{n+2}.$$

Na sličan način se pokaže da identitet vrijedi i ako je  $n$  neparan broj.

$$\sum_{i=0}^{\lfloor \frac{n+1}{2} \rfloor} \binom{n+1-i}{i} = F_{n+2}.$$

iv) Na osnovu principa matematičke indukcije zaključujemo da identitet vrijedi za sve  $n \geq 0$ .

*Napomena.* Primijetimo da nam ovaj identitet daje vezu Fibonaccijevih brojeva s Pascalovim trokutom: suma brojeva na  $n$ -toj "dijagonali" u Pascalovom trokutu jednaka je  $n$ -tom Fibonaccijevom broju.

## Kombinatorni dokazi

Identiteti s Fibonaccijevim brojevima mogu se dokazivati i kombinatornim putem. U tu svrhu promatrat ćemo skup svih popločavanja ploče dimenzije  $1 \times n$  pomoću domina (veličine  $1 \times 2$ ) i kvadrata (veličine  $1 \times 1$ ). Čelije ploče označit ćemo s  $1, 2, \dots, n$ . Prebrojit ćemo koliko je popločavanja na dva načina, tako da jedan od njih predstavlja kombinatornu interpretaciju lijeve, a drugi interpretaciju desne strane jednakosti koju

dokazujemo. Kako obje strane predstavljaju prebrojavanje istog skupa, one moraju biti jednake.



Sljedeći teorem [1, str. 1] nam daje vezu Fibonaccijevih brojeva s brojem načina da pokrijemo ploču dominama i kvadratima.

**Teorem 1.** *Neka je  $f_n$  broj načina da se poploča ploča dužine  $n$  kvadratima i dominama. Tada je  $f_n$  Fibonaccijev broj i za  $n \geq 0$  vrijedi:  $f_n = F_{n+1}$ .*


*Dokaz.* Definirajmo  $f_0 = F_1 = 1$  broj popločavanja ploče dužine 0. Dalje, ploču dužine 1 možemo popločati samo na jedan način (jednim kvadratom), pa je  $f_1 = 1 = F_2$ . Ako imamo ploču dužine  $n$ , njenu posljednju ćeliju možemo pokriti ili s kvadratom ili s dominom. U prvom slučaju postoji  $f_{n-1}$  načina da se pokrije prvih  $n-1$  ćelija ploče, dok u drugom slučaju ostaje  $f_{n-2}$  načina da se pokrije prvih  $n-2$  ćelije. Odatle je ukupan broj popločavanja cijele ploče:  $f_n = f_{n-1} + f_{n-2}$ . Kako niz  $\{f_n\}$  zadovoljava iste početne uvjete i rekurziju kao niz  $\{F_n\}$ , slijedi  $f_n = F_{n+1}$ , za sve  $n \geq 0$ .

**Identitet 4.** Za  $m, n \geq 0$  vrijedi

$$F_{m+n} = F_{m-1}F_n + F_mF_{n+1}.$$


*Dokaz.* Dokazat ćemo tvrdnju [1, str. 4]:  $f_{m+n-1} = f_{m-2}f_{n-1} + f_{m-1}f_n$ . Broj načina na koje možemo popločati ploču dužine  $(m+n-1)$  jednak je  $f_{m+n-1}$ . Odredimo sada broj popločavanja na drugi način, tako što ćemo razmatrati dva slučaja:

*Prvi slučaj.* Ako se ploča dužine  $m+n-1$  može razdvojiti na ćeliji  $m-1$ , onda je ona nastala spajanjem dvije ploče: jedne koja ima  $m-1$  ćelija i druge koja sadrži  $n$  ćelija. Ploče smo popločavali nezavisno jednu od druge, pa ukupno postoji  $f_{m-1} \cdot f_n$  popločavanja.



*Drugi slučaj.* Ako se ploča ne može razdvojiti na ćeliji  $m-1$ , onda mora sadržavati dominu koja pokriva ćelije  $m-1$  i  $m$  (kao što vidimo na slici ispod).

Prvi dio ploče (koji sadrži prve  $m-2$  ćelije) se može popločati na  $f_{m-2}$  načina, a drugi dio ploče (poslije ćelije  $m$ ) na  $f_{n-1}$  načina, što nam daje ukupno  $f_{m-2}f_{n-1}$  popločavanja. Kako je svako popločavanje ili razdvojivo ili nerazdvojivo na ćeliji  $m-1$ , ukupan broj popločavanja je jednak  $f_{m-1}f_n + f_{m-2}f_{n-1}$ . Odatle je  $f_{m+n-1} = f_{m-2}f_{n-1} + f_{m-1}f_n$ .



Navest ćemo još *dvije posljedice* ovog identiteta:

$$i) F_{2n} = F_{n+1}^2 - F_{n-1}^2$$

$$ii) F_{2n+1} = F_n^2 + F_{n+1}^2.$$


Prvu dobijemo uvrštavanjem  $m = n$  u identitet 4, a drugu za  $m = n + 1$ .

### Parovi ploča

Promatramo par ploča dužine  $n$  na slici ispod. Broj načina na koje ih možemo popločati je  $f_n^2$ .



Pomaknimo donju ploču za jedno mjesto udesno. Kažemo da postoji “greška” na mjestu  $i$  ako se gornja ploča može razdvojiti na mjestu  $i$ , a donja na  $i - 1$ , bez lomljenja pločica. Npr. sljedeći par ima greške na mjestima 1, 3 i 4:



Zamijenimo sada “repove” ploča tj. dijelove iza posljednje greške. Dobijamo ploče sa greškama na istim mjestima kao na početku, s tim da gornja ploča sad ima  $n + 1$ , a donja  $n - 1$  mjesta. Ukupan broj popločavanja je  $f_{n+1}f_{n-1}$ .



Ako bar jedna ploča ima kvadrat, greška sigurno postoji. Npr. ako prva ploča ima kvadrat koji pokriva ćeliju  $i$ , onda se ona može razdvojiti na mjestima  $i$  ili  $i - 1$ . Ako se druga ploča ne može razdvojiti na mjestu  $i$ , onda postoji domina koja pokriva  $i$  i  $i + 1$ , ali je greška tada sigurno na mjestu  $i - 1$ . U suprotnom, ako se druga ploča može razdvojiti na mjestu  $i$ , onda je na tom mjestu greška. Greške se mogu izbjeći samo na jedan način: popločavanjem obje ploče dominama.

Koristeći ovo, dokazat ćemo Cassinijev identitet [1, str. 8].



**Identitet 5.** Za  $n \geq 0$  vrijedi

$$f_n^2 = f_{n+1}f_{n-1} + (-1)^n.$$



**Dokaz.** Neka je  $X$  skup svih popločavanja dvije ploče dužine  $n$ . Tada je  $|X| = f_n^2$ . Neka je  $Y$  skup popločavanja ploče dužine  $n + 1$  i ploče dužine  $n - 1$ ,  $|Y| = f_{n+1}f_{n-1}$ .

Pretpostavimo prvo da je  $n$  neparan broj. Tada obje ploče moraju imati najmanje jedan kvadrat, pa greška sigurno postoji. Zamjenom repova ploča, dobivamo ploče s  $n + 1$  i  $n - 1$  ćelija, s greškama na istim mjestima kao u početnom rasporedu. Time smo dobili bijekciju između svih parova popločavanja ploča dužine  $n$  i parova popločavanja ploča dužina  $n + 1$  i  $n - 1$ , pod uvjetom da ta popločavanja imaju bar jednu grešku.

Međutim, kako je  $n$  neparan,  $n + 1$  i  $n - 1$  su parni i može se desiti da u paru ploča dužina  $n + 1$  i  $n - 1$  nema nijedna greška. Taj par nećemo brojati, pa u slučaju neparanog  $n$  vrijedi:  $f_n^2 = f_{n+1}f_{n-1} - 1$ .



Ako je  $n$  paran broj, kao i u prethodnom slučaju, postoji bijektivno preslikavanje između parova ploča koji imaju greške. Razlika u odnosu na prošli slučaj je što je sada jedini par popločavanja koji nema greški onaj u kojem su obje ploče dužine  $n$  i pokrivena svim dominama. Zato za parno  $n$  vrijedi:  $f_n^2 = f_{n+1}f_{n-1} + 1$ .



## Zaključak

Identiteti s Fibonaccijevim brojevima se mogu dokazivati na različite načine. Većina njih se dokazuje matematičkom indukcijom, teleskopiranjem, primjenom rekurzivne ili Cauchy-Binetove formule. Nekoliko identiteta smo dokazali tim metodama (u svakom smo koristili drukčiji način radi raznolikosti ideja), a osim toga, naveli smo i nekoliko primjera kombinatornih dokaza. Oni predstavljaju zanimljiv način dokazivanja, s tim da za veliki broj identiteta nije jednostavno naći kombinatornu interpretaciju. Mogu se koristiti različite ideje: razmatrati različite položaje određene domine ili kvadrate, tražiti korespondencije između skupova popločavanja, promatrati parove ploča. . . Čitatelj može pokušati naći kombinatorni dokaz identiteta 3, koji smo ovdje dokazali matematičkom indukcijom, i to promatranjem popločavanja ploče dužine  $n$ , koja sadrže točno  $i$  domina,  $i \in \left\{0, \dots, \left\lfloor \frac{n}{2} \right\rfloor\right\}$  (vidi [1, str. 4]).

## Literatura

- [1] A. T. BENJAMIN, J. J. QUINN, *Proofs That Really Count: The Art of Combinatorial Proof*, The Dolciani Mathematical Expositions, 27, Mathematical Association of America, Washington, 2003.
- [2] A. DUJELLA, *Fibonaccijevi brojevi*, Hrvatsko matematičko društvo, Matkina biblioteka, Zagreb, 2000.
- [3] T. KOSHY, *Fibonacci and Lucas Numbers with Applications*, John Wiley and Sons, New York, 2001.